



Plek om te vra, te kommer, om te deel en te wees

Niks doen het ook 'n prys: 'n sagte, maar dringende uitnodiging om jong volwassenes raak te sien – en ernstig op te neem.

Dikwels hoor ons die vraag, *Waar is al die jongmense? Waarom sien ons hulle nie meer by die kerk nie?* Ek wil elkeen van u graag uitnoodi om saam met my hieroor na te dink.

'n Gemaklike definisie vir 'n jong volwassene is enigiemand wat nuut die wêreld van die volwassenes betree. Hierdie persoon tree vir die eerste keer in hierdie onbekende wêreld van *volwasse besluite* in, hetsy dit studies, 'n jaar oorsee of 'n geleentheid is om dadelik aan die werk te spring.

Dink daaroor – dit is hier waar jy jou identiteit begin vaslê, waar die groot besluite oor jou toekoms geneem word, waar verhoudings, vrae, onsekerheid en avontuur vir jou wag. Oral om jou word daar nuwe verhoudings gekweek, nuwe inligting ingeneem en nuwe vaardighede aangeleer. En tog voel 'n mens of jy die heeltid agterbly.

Nóg 'n program, nóg 'n stel lesse kan hierdie diepe menslike ervaring werklik aanspreek. Wat jy nou nodig het, is egtheid, aanvaarding, betekenis en gemeenskap. 'n Plek om te vra, om te kommer, om te deel en om te wees.

Kom ons kyk na die beeld van die eerste kerk (Hand 2: 43-47) waar daar beskryf word hoe die gelowiges getrou as 'n gemeenskap bymekaar gekom het, waar hulle saam om 'n tafel gesit en geëet het en hulle elkeen volgens sy/haar behoefte ondersteun het. Hulle het God geprys. Dit klink soos dié plek om te vra, te kommer, te deel en om te wees. Dit klink soos die plek waar *dissipelskap* gekweek word.

Jongmense is nie die kerk van môre nie, maar reeds deel van die kerk van vandag.

Wanneer ons daardie stelling ernstig begin opneem, kan 'n mens nie anders as om aksie te neem nie. Enige suksesvolle bediening behoort gemeet te word aan volhoubare verhoudings waar geloofsgesprekke spontaan gebeur – waar betrokkenheid omgeskakel word na verantwoordelikheid en waar groei nie kwantitatief is nie, maar kwalitatief.

Natuurlik staar talle uitdagings ons in die gesig. Een van die eerstes waaraan ons dink, is onsekerheid oor waar om te begin. Dalk is die kapasiteit van 'n gemeente ook 'n bekommernis. Dalk is ons bloot bang dat die verandering iets van ons ervaring van kerk gaan aantast, of dat daar doodeenvoudig net nie belangstelling is nie. Gemeentes is onder druk, kapasiteit is min, en verandering kan soos 'n berg voor jou lê – maar niks doen nie, het ook 'n prys. Die Skrif roep ons tot onmiddellike, nie uitgestelde, aksie (vergelyk 1 Kor 12).

Die eerste tree vir enige bediening, en soveel te meer vir jongvolwassebediening, is om te luister na die behoeftes, om verhoudings te bou, en om net bereid te wees om te probeer. Julle sal verstom wees oor hoeveel momentum slegs een tree kan bring! Ja, predikante het ook 'n rol om te vervul, maar die bediening is nie net beperk tot hulle nie. Daar is in enige gemeente talle leiers wat net wag om ingespan te word. En wie weet, dalk is daardie leier self 'n jong volwassene!

Ek nooi julle uit om saam te droom. Nie net oor die toekoms van die kerk nie, maar ook oor die kerk wat reeds hier is.

Ds Annami Cockeran
(Elandsport)

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Die plasing van teksadvertensies is gratis vir gemeentes. Advertensies met grafika beloop R350 per uitgawe. Klik asseblief *hier* vir meer inligting en voorwaardes.

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Lief en leed

- **Dr Kobus van Biljon** (emeritus) sterk tuis aan nadat hy 'n niervervanging ondergaan het. Ons bid vir hom 'n spoedige herstel toe.
- **Ds Peet Esterhuizen** (emeritus) **se vrou, Sonja**, sterk tuis aan ná 'n breuk- en galblaasoperasie. Ons bid vir haar 'n spoedige herstel toe.
- **Die volgende predikante verjaar tot 3 April. Die Kerk wens u 'n geseënde lewensjaar toe.**
 - Woensdag 25 Maart: Ds BJ (Barnie) van der Walt (emeritus)
 - Donderdag 26 Maart: Ds DJP (Dirk) Stoltz (emeritus)
 - Vrydag 27 Maart: Ds JBMH (Barry) van Schalkwyk (Drie Riviere-Oos)
 - Saterdag 28 Maart: Di LJ (Lorret) de Leeuw (Carolina), MD (Mariët) Robbertze (Kempton), en JJ (Jaco) van Sittert (Randburg)
 - Sondag 29 Maart: Dr FJ (Frans) Boshoff (emeritus/Chrissiesmeer)
 - Maandag 30 Maart: Di D (Drian) Cockeran (Bronkhorstspuit), en TF (Thomas) Dreyer (emeritus)
 - Woensdag 1 April: Ds A (Annalize) Rossouw-Lombard (beroepafwagting)
 - Donderdag 2 April: Prof AB (Ananda) Geyser-Fouché (dosent/Philadelphia), en ds L (Leanie) Lemmer (Bellville)
 - Vrydag 3 April: Ds D (David) Barnard (emeritus/Magaliesmoot)



Mev Sonja Esterhuizen



Ds Schalk Zastron



Ds Johan Ayres



Ds Geo Smit

Gemeentes en bediening

- Enige saak wat volgens die Kerkorde onder die aandag van die **Moderamen** gebring moet word, moet mev Karen Breedts (karen@nhk.co.za) asseblief **teen 30 Maart** bereik **vir 10 April** se vergadering. **Geen laat sake** sal in die agenda opgeneem word nie.
- **Ds SW (Schalk) Zastron** (Ermelo) het 'n **beroep na Grimbeekpark** ontvang.
- **Ds J (Johan) Ayres** (emeritus/Germiston) het 'n **beroep na Germiston** (deeltjyds) ontvang. Hy het die beroep aanvaar.
- Die Kommissie van die AKV **verleen emeritaat aan ds GJ (Geo) Smit** op 31 Julie 2026.

Kerklke en ander publikasies

BOEKWINKEL-PROMOSIE

Mag hierdie Gedenkalbum ons opnuut tot dankbaarheid stem - dankbaar teenoor die Here omdat Hy deur sy genade ons toelaat om deel van sy kerk te wees, deel te wees van 'n skare gelowiges wat deur die eeue heen kon sing: 'Loof die Here! Ek wil die Here loof, met alles wat in my is wil ek sy heilige Naam loof. Ek wil die Here loof en nie een van sy weldade vergeet nie....' (Ps. 103:1-2).

Prof Wim Dreyer
(Uittreksel uit die voorwoord)

Bestel van mev Sarie Roux by boekwinkel@nhk.co.za

2017
Gedenkalbum
500
Rekherfomting
1517-2017

NOU SLEGS R20

**Boekwinkel-
promosie**

Bestel van mev Sarie Roux by boekwinkel@nhk.co.za

- In die **Maart 2026-uitgawe** van **Die Christelike Vrou** skyn ons die kollig op die Nasionale NHSV Kongres van 2026 met **ds Hannelie Botha** se redaksioneel *Nogtans sal ons jubel*. **Mev Mari-lizé Beukes**, voorsitter NHSV Hoofbestuur deel die Wêreldbiddag vir Vroue se tema *Kom, ek sal jou rus gee*. **Dr Piet van Staden**, Gemeente Worcester, praat oor die gesprek wat telkens na vore kom oor geloof en wetenskap in *God se spore*. **Emmé van Niekerk** benadruk die werk van 'n arbeidsterapeut met ons in deel 4 van haar reeks in *Dit begin by jou JA*. **Daleen Gouws**, kommunikasiebeampte van Ons Tuis, lig hoogtepunte uit van Ons Tuis se jaarlikse *Woeker-en-Werk-Tuinekompetisie*. **Tessa Oppermann**, Gemeente Rooihuiskraal, bied taalwenke aan in deel 4 van haar reeks *Praktiese Afrikaans – O komma!* Volg die skakel [hier](#) na ons NHSV-publikasies.

Kom kyk saam

- Kom kyk saam na ons weeklikse Blitsflits. Hierdie episode is aangebied deur **Anushke Muller**. Klik [hier](#) vir verlede week se weergawe. Laat gerus vir ons kommentaar en deel u gedagtes oor die Blitsflits. Nuwe weergawes verskyn elke Vrydag en is beskikbaar op sosiale media en YouTube.

'n Gedig

Avondmaal

Daar was 'n stilte in die oppersaal
toe Hy met sterk, verhewe hand Hom draai
en sê: "Die man wat My vannag verrai,
sit saam met My aan hierdie avondmaal...."

In twyfel het hul daardie woord herhaal
en wis nie dat hul vóór die hanekraai
soos blare van 'n boom van Hom sou waai...
Maar één was doodsbleek teen die lampestraal!

Toe het hy brood geneem en God gedank,
dit met die hand gebreek en dit geseën:
die beker het Hy boordevol gegooi

met wyn wat dartel was en vonkelrooi –
maar, hoog gehou, was in geen hand voorheen
ooit wyn so rooi, ooit aardse brood so blank!

WEG Louw

Uit: *Die passie van ons Heer*

Die vrou en die Amp

HERVORMDE DOSENTE-SEMINAAR

07 Mei 2026
09:00 tot 13:00
NHKA Philadelphia

RSVP teen 7 April 2026: antoejvr@gmail.com
Dui asseblief aan: aanlyn of in persoon.

Traumatiese Insident Reduksie Werkswinkel (TIR)

Aanbieder: Yvonne Retief (in persoon)



Wil jy meer effektiewe terapeutiese vaardighede by jou professionele gereedskapskis voeg?
Het jy nog nie 'n TIR-werkswinkel bygewoon nie? Dan is hierdie geleentheid vir jou.

Werkswinkel Besonderhede:

Plek: Pretoria

Datum: 11 tot 14 Mei 2026

CPD-punte: • SACSSP – 26.5 punte + 1 Etiese punt
• VBO – 30 punte

Koste: R6 500 (Paaielemente kan gereël word)

Sluit 1 jaar lidmaatskap by TIRA en TIRA-SA in.

Bankbesonderhede:

Y Retief,

ABSA Monument Park,

Tjekrekening,

Rekeningnommer 608165673.



- **Stasies van die Kruis by Gemeente Centurion-Oos**, Napierweg 103, Lyttleton. Die Stasies van die Kruis bied ons die geleentheid om in ons eie leefwêreld 'n pelgrimstog te onderneem en in die gees die krag van die Pase te beleef. Jy is welkom om dit saam op **jou eie tyd** te kom beleef. Dit sal sinvol wees om 'n uur of meer opsy te sit om deur die stasies te beweeg. Die stasies verskil jaarliks. Daar is 'n handleiding beskikbaar by die begin van die stasies. Toegang is gratis, maar donasies is welkom, ook in die vorm van nie-bederfbare kos.

- Maandag 30 Maart: 09:00-12:00
- Dinsdag 31 Maart: 09:00-12:00 en 16:00-20:00
- Woensdag 1 April: 09:00-12:00 en 17:00-20:00
- Donderdag 2 April: 09:00-12:00 en 16:00-18:30
- Vrydag 3 April: 10:30-13:00
- Saterdag 4 April: 10:00-13:00

KI-KATS

Demonstrasievideo-KLIK



Die SGB Werkgroep vir Jeugbediening stel bekend:

KI-Kats

'n Nuwe innoverende aanlyn Hoërskool Kategese Sisteem

• 2 Kurrikulums met 410 lesse beskikbaar.

• 'n AI-Tutor sisteem

• 'n AI-verslag sisteem

Leerders kan prente genereer, videos van les-interaksies genereer, 'n gedig genereer en 'n liedjie genereer.

Leerders klets met die AI-tutor, beantwoord vrae, leer Bybeltekste, en stel self vrae.

• 'n Globale punteleer vir alle leerders.

• Volledige dinamiese lesplanne vir alle mentors.

Toegang is slegs R100.

Probeer vandag die eerste les gratis.

<https://www.dramekaarselaste.co.za> > Meer > Vir

Kinders > Geloofsonderrig H/S

Inligting: deon7373@gmail.com



AANLYN DOOPKATEGESSE

Die aanlyn doopkategesekursus is nou beskikbaar op die DraMekaarSeLaste toepassing.

- Die kursus is ideaal vir doopouers om die sakrament en hul doopbelofte beter te verstaan.
- Predikante kan dit ook as aanvullend tot hul doopkategeses-geprek gebruik.

Die kursus is beskikbaar teen R100 en is beskikbaar by:

<https://www.dramekaarselaste.co.za/>

> Meer > TOERUSTING > Geloofsgroei.

Het jy die passie om 'n verskil te maak, maar weet nie waar om te begin nie? Die Sentrum vir Gemeentelike Bediening (SGB) maak dit nou vir elke lidmaat moontlik om met vrymoedigheid as gestuurde te leef.

Kragtens Ordinansie 4.1.2 is dit ons opdrag om mekaar toe te rus vir 'n missionêre leefstyl. Meer nog, ons word uitgedaag om tussen die 74ste en 75ste AKV nuwe, vars uitdrukkings van Kerk-wees te vestig en selfs nuwe gemeentes te plant! Jou gereedskapskis is reg:

Op dramekaarselaste.co.za wag daar 'n splinternuwe platform wat jou nie net leer nie, maar jou stap-vir-stap begelei en bemagtig.

- Gratis Toerusting: Toeganklike hulpbronne vir elke lidmaat, sowel as,
- Formele e-Leer: Kursusse vir diegene wat dieper wil delf.
- Praktiese Begeleiding: Neem elke stap in missionale bediening met nuwe vrymoedigheid.
- Teken missionale aktiwiteite aan en leer ook by ander.

AKTIVEER MISSIONALE BEDIENING

So begin jy:

1. Gaan na dramekaarselaste.co.za.
2. Registreer as gebruiker.
3. Kies Toerusting → Missionale Bediening.

Kom ons bou saam aan vars uitdrukkings van kerkwees.

Navrae: Dr Frikkie Labuschagne (Inhoud) - Dr Deon du Toit (Tegnies)
frikkie@nhk.co.za deon7373@gmail.com

Barmhartigheid

- Klik asseblief [hier](#) vir meer inligting oor seniorbehuising en -versorging.

Gebed vir die week

Almagtige Vader,
ons prys U dat u Seun die Koning is wat ons nodig het;
dat sy meegevoel geen gelyke het nie.
Help ons om U as ons regverdige Koning te vertrou en te gehoorsaam
en mag u Naam vir ewig geprys word.
In die Naam van Jesus.
Amen.

www.bible.com/af/reading-plans/1418-preparing-our-hearts-for-easter-lent/day/17

Redakteur: Ds David Barnard
Subredakteur: Ds Mariët Robbertze
Koördineerder: Mej Sanet du Plessis
Uitlegkunstenaar: Mnr Hugo van Niekerk
Joernalis: Ds Iwanda Kruger